

太上說玄天大聖真武本傳神呪妙經卷之四

太上說玄天大聖真武本傳神呪妙經卷之五

鄺人方田子佩丹玄內教錄陳俗集疏

真人曰妙用之理可得一聞

妙行又審玄帝妙用至理不可思議處而為諸大衆真請示功因也

大帝曰昔永壽元年上元之日

昔者言往時事因也北極中天紫微大帝於上元日陪從元始御駕八景聽法是日上帝遣將於魔至中元日吳極詔下就紫微殿陞冊封勞動矣永壽龍漢乃上元中天年號上元中元二節日其實則一年中事矣

元始天尊於八景天宮向五雲座上

於者是幸居也向者乃陞對也于時元始大天帝駕離玉清聖境所幸東北大霄遣五老天君特命召諸天上帝赴是闕聽演度人經道言昔於始青天中碧落空歌大浮黎土受元始度人無量上品夫始青八景泛太靈洞華三陽九真太一之炁結成五色瑞雲師子女座元始登此座也

與三十六天上帝

與者善待也是時昊天玉皇上帝總領先上中天三帝洎四方三十二天上帝並詣丹墀各各嚴肅整班朝禮度人經載元始天尊當說是經周迴十過以召十方始當詣座東方八天太皇黃曾天帝太明玉完天帝清明何童天帝玄胎生育天帝元明文舉天帝上明七曜摩夷天帝虛無越行天帝太極濛翳天帝南方八天赤明和陽天帝玄明恭華天帝曜明宗飄天帝竺落皇茹天帝虛明堂曜天帝觀明端靖天帝玄明恭慶天帝太煥極瑤天帝西方八天元戴孔昇天帝太安皇崖天帝顯定極風天帝始皇孝芒天帝太皇翽重浮容天帝無思江由天上帝上揲阮樂天帝無極曇誓天帝北方八天皓庭霄度天帝淵通元洞天帝太文翰寵妙成天帝太素秀樂禁上天帝太虛無上常融天帝太釋玉隆騰勝天帝龍變梵度天帝太極平育寶奕天帝中央四天昊天金闕玉皇上帝先天聖祖

長生大帝上天紫微天皇大帝中天北極紫微大帝

七十二福地真人

宰玄壇仙官也按度人經云元始符命時刻昇遷諸仙職者每發真念以利世人也分掌山川之間兼錄籍上朝則替真度仙是諸真官旋行典儀惟地肺福地真人為班長統眾朝現地肺山福地真人蓋竹山福地真人清遠山福地真人安山福地真人石磻山福地真人東仙源福地真人青嶼山福地真人郁木坑福地真人赤水山福地真人丹霞洞福地真人君山福地真人桂源福地真人靈墟福地真人沃州福地真人天姥岑福地真人若耶溪福地真人金庭山福地真人馬嶺山福地真人鶴

源福地真人逍遙山福地真人閩阜山福地真人始豐山福地真人金精山福地真人東白源福地真人鉢池山福地真人論山福地真人毛公壇福地真人雞籠山福地真人桐柏山福地真人平都山福地真人綠蘿山福地真人彭觀山福地真人抱福山福地真人大面山福地真人虎溪福地真人辰山福地真人馬跡山福地真人德山福地真人藍水福地真人玉峯福地真人天目山福地真人商山福地真人張公洞福地真人魚湖洞福地真人中條山福地真人司馬海福地真人絲竹山福地真人甘山福地真人隗山福地真人金城山福地真人雲山福地真人武當山福地真人太和山福地真人女几山福地真人少室山福地真人廬山福地真人西山源福地真人南田山福地真人抱犢山福地真人惟諸天上帝皆永臨天位也應諸福地真人各聽玉帝輪排差除職任也考績治政行事得失仍聽升退者也

無量飛天大神無極長生大聖金童玉女九鳳八鸞侍衛於輝光羅列於左右

無者不可也量者度也極者至也謂不可度侍從中數矣且諸天闕庭下陪駕侍御職事曹僚局司威儀濟濟矣飛天大神乃從輦策駕之官掌儀鑿法物等事按大戒經云昔人能通戒行精進不退轉者即與證明作清信之士果滿命終特補充天中勇猛飛天大神長生大聖者乃三省總轄之臣紀三界進修功籍按玉晨藏卷云下元學人輪迴疾疫若心離塵昧種種堅固神通慧極法光神光慧光沖霄而入真常之道天仙拜迎帝命入宮補儲天官之位主理生籍金童者安鄉亭侯之職如凡世給事中丞按漢天師家傳云子房子淵並佐太清宮童子侍奉老君玉女者應傳命儀淑之品如凡國嬪御命女之類也按混元經又以玄炁結成雲閣吹噓感召靈符化光金童玉女執節持幢鳳鸞乃靈禽也出自南海丹穴女沐二山中九鳳者九隻

為一成號九鳳祇應三清合九九八十一隻動成九韶應玉清上清太清之樂八鸞者八隻為一列號八鸞八八六十四隻列八脩之舞協洞真洞玄洞神之範二禽形高八九尺身羽彩發光輝曲終舞罷環列諸天侍衛左右

八音自響眾聖咸欣

八音者謂八卦形器之韻自響者因靈風鼓瑟鸞林發聲唯三境九霄有無量自鳴天樂之妙出于琳琅寶樹枝葉之間皆自合宮商節奏妙泛石磬軋玉之響妙泛鼓此鼓坎革之音妙泛笙簧良匏之韻妙泛簫笛震竹中聲妙泛祝敔異木之擊妙泛琴瑟離絲之鳴妙泛壎篥坤土之調妙泛鏡鉞允金鐘錚靈寶經曰瓊府魏我境森扶藹華霽靈風泛洞響可保無窮年蓋此妙樂察曉自然之音最能利益於聆者使正性全真也是會莫不成欣其美哉

嚴聽天尊說至真之妙法

嚴聽者大眾悚聞談演也夫至真妙法乃

是洞玄中乘開度天中九真之祕典也此教總一十二部秩目曰第一靈和部第二靈寶部第三通神部第四無量部第五集仙部第六內秘部第七至真部第八進善部第九鍊精部第十生戶部第十一官圖部第十二銷魔部已上部目共計八萬四千卷元始並授玉晨大道君永祕玄都玉京天臺之內也洎三十六天中其文具足矣於是名山洞府海嶽仙官雖有所修者唯但聞篇目豈獲斯乘足備耶沉下土士民探賸乎今降流于世者乃出第二秩靈寶開圖之妙經也應運經載西域老曰大底眾妙不過一門若夫世人內應陰之運度外體陽之剛柔推以五常授之一炁於此門中知其漸處乃得神炁降息神已降息百魔潛傾是為靈法諸炁皆平炁平而息四大一清此為鍊化而為大寶也

肅清道炁繞無上之玄元

肅清者乃謂至道嚴淨之炁也故澄清開光結為神化之主洞該流貫上通上清下

兼洞神乃謂繞無上玄元也按靈寶開圖經載元始以靈寶祖炁交始青之炁主御天地鬼神滋榮世間生炁抱竟結鍊營護太和決下元生人耶于時元始乃命天真皇人紫筆圖記將恢大教慈惠流芳而接學人也按西域老曰上玄下微應運璿璣華房都領炁紫宮集神威此乃謂歸真之要道透玄之戶闢若太上士初登靈寶始扣玄宗須引而導之此法應機當求復捨方妙理之研精

方者謂靈寶妙理方法也元始天尊為眾開擴微詮萬聖皆得研究精極在仙翁釋靈寶詰法靈寶本炁始一混然太虛源流昇降諸天致靈洞渺輔翼眾仙飛祥鬱秀度品惠圓以神降集乃法道先以炁停息乃合自然

俄天門之東北

祖炁開化九霄之境列三十六天也上極無上曰大羅三境之天乃都天也都天東北門之間乃號曰太霄八景始青天中也

元始常於此天中演說靈寶大法此境乃覆下方東北變野鬼路之上也按說度人上品妙經時萬聖俱詣始青天中受元始度人無量上品也

七聲大震十目齊觀觀下界之冤魔結衝天之穢氣眾真默爾大道寂然

七聲者謂凡聞喜怒哀樂憂怨思七情之聲也無辜刑祝號呼籲天加以慘毒悲切上驚天聽諺曰人間私語天聞若雷斯乃謂大震也時在會者十目齊觀于下界四生歷劫交變身命連氣內外數窮焉禮記曰十目所視十手所指其嚴乎謂情切也故十方眾同心默而哀爾羣生矣仰惟大道元始至尊乃寂然不動感而遂通也按靈寶儀曰時元始上帝遂放神光下照乃見是六天魔鬼冤家等衆肆行凡間勾連世人亡過七祖死冤結成門黨恣橫流行兇孽殺伐互相殘害晝夜不分血屍狼藉怨氣哀聲化為黑毒衝闕天光

時妙行真人問所由於元始既敷妙法合集

殊祥是何異因於此輒冒可垂與旨以解眾疑

時者乃妙行未知當時祥異所由也故發此問惟思分別元始乃萬天所尊無上法王位也既敷演妙法常能開度一切和合殊祥也緣何却有此異因輒冒于元始御前妙行疑之至請紫微大帝可垂釋過去與旨以解今會中大眾之疑

大帝曰下元生人皆稟至道受氣血之清氣以扶衛於赤身

一切有形凡軀皆屬下元三炁君主也各稟靈寶至道自然氤氳之氣流行降挾扶衛造化成男女赤身也按諸品經載靈寶始青之炁結元陽重三百八十四銖立命碧落空歌之炁貫經絡脉分應三百六十體骸大浮黎土之炁結化回黃轉白青赤構孕凝精元一黃演之炁結胞洞冥紫戶之炁化胎長靈明仙之炁命魂殤尸冥演由之炁命魄五仙中靈之炁化臟高真冲融之炁化腑高仙洞笈之炁化元真靈化

凝之炁結華自然玄照之炁結岳玉清混洞之炁化泥丸上清赤混之炁化絳宮太清玄通之炁化丹田熒惑三炁降真火入心出舌宰神炁温暖歲星九炁降真木入肝出目宰皮膚毛髮鎮星一炁降真土入脾胃出口宰肌肉四肢太白七炁降真金入肺出鼻宰牙齒筋骨辰星五炁降真水入腎出耳宰津液血髓東方七宿炁主陽明經南方七宿炁主太陽經西方七宿炁主少陰經北方七宿炁主太陰經東斗蒼靈帝君主算西斗白標帝君籍名北斗七政司其生聚南斗六司宰其動用中斗冲重大帝廢落萬神莊子曰人者繼天順地序悉成形謂之物靈北斗經曰凡夫在世迷謬者多不知身屬北斗命由天府有災有患不知解謝之門延福延生莫曉歸真之路致使鬼神被繫禍患來鍾靈應帝君降筆云當職稟玉帝大垂慈救軫念蒼生合使天下黎民起自丁巳歲中元節後各互勸化醮財修設三界廣法明昌太平清

醮一座者悉度末劫洪波蕩穢之界儀範
恭請吾教徒侶法事宜宣太上延生之科
誦經登壇拜表告地盟天靈應帝君督泰
山府三司具名然後繳奏三天門下特與
度脫劫運之名如此莫不真為樂也哉

今以劫運將終妖魔漸盛

按業報經云每劫之初龍漢赤明也洞真
下化人懷道德多至長生劫中之世上皇
延康也洞玄下化人漸散朴失道叛德末
劫之時開皇運終也洞神下化人多澆浮
少奉正真差天帝糾之世遭開皇三劫也
宋中上元甲子後入開皇七劫嗚呼末劫
之時凶災彌天耶多見日月蝕昏五星錯
度六極各罰四夷交兵火焚水漂旱蝗滂
變隕霜電凍地陷山崩蛇虎怪異淫刑苛
虐人妖鬼魔疫癘天橫總名劫報西華帝
君曰且夫天地劫運否泰終絕谷應大象
所歸各隨萬化所息運終復建劫絕復始
蓋大象無極無窮惟濁世眾生應劫受諸
輪迴或遭運劫或遭氣劫或遭外劫或遭

內劫或遭身劫或遭命劫若諸眾生本始
業深所造亦昧過諸劫界是若苦海流沙
漂沉浩蕩終不得息劫至終時乃成永絕
化為幽怨之氣昨慶元丁巳歲上元節天
垂降玉書下劔州梓潼神廟廟祝捧申屬

繳文奏行在據英顯武烈靈佐廣濟惠寧

王充金闕昊天檢校洞通真先生九天開
化主宰梓潼靈應帝君張亞准奉三天門
下三宮使相關牒備丙戌歲三界靈享朝
會以元儀正下元事籍畢各辭訖時昊天
玉皇上帝駕御至上元太一宮出三天門
觀覽下方六合八紘無不周徧惟見怨氣
盤蔚冤聲哀號無辜顯天上徹宸聽玉帝
大垂慈旨謂侍臣金闕御史大夫三天門
下平章事葛洪曰下方生靈上自權貴執
政下至郡縣案察嚴刑峻法厚賦重斂以
至強家巨室富商大賈一舉一措動以貨
賂為急所行所向惟務財利是營酒食聲
色是御不顧道理口是心非行如狗彘父
母師傅內外親族輕棄傲慢富不恤貧貴

多忘賤婚媾先財貨交結趨世利強奪因
窮剝剝寒苦富者不貸貧者多至絕滅玉
帝命右常侍引詞章通事舍人王喬持節
詔玉清宮太師守紫微垣天樞院事尹喜
上清宮太師守紫微垣南極院事徐甲太

清宮太師守紫微垣北極院事張道陵紫

微上宮天皇帝后土玄天皇地祇天地
水三官大帝四帥聖帝君天府修文郎究
國公顏回地府修文郎河內公卜商水府
修文郎清烈公屈原迦葉尊者阿難尊者
賓頭盧尊者共一十八員既至朝謁奏對
御座玉帝垂音命羣臣曰下土生靈將臨
末劫三教互忽為僧道者多不顧戒行動
輒非理為搢紳士庶者不遵敬周孔之業
為官爵顯達者多生淫濫贓污及廣土生
靈循習倒行輕賤百穀嗜財如飢虎行毒
若炎火去正從邪習以成俗犯者不可原
赦卿等眾臣自丁巳歲朔一月一會天庭
稽考善惡仰靈應帝君同虛空界神先行
降筆布告下方城隍社令仍牒東嶽泰山

府永為定制委舉意司見報司速報司日
 加嚴察遞申天府如有不循不悛不加敬
 信之域量犯與報疾疫旱蝗雷電暴風卒
 雨隕霜雹凍傷殘百穀耗之地財四夷交
 侵刀兵戰陣地陷山崩蛇虎縱橫及違魔
 鬼託生其家破傷甚業覆滅親族如能改
 節勵行遵從太上感應篇言不犯諸罪目
 者別與轉禍為福故茲降筆各宜知悉三
 天門下三宮使相牒九曲鳳凰山靈應帝
 君故牒施行

唯從邪道

失仁義禮德之所修者類

不省本源

忘父母師友之訓恩者類

樂奉邪神

樂淫祭亂神要副情慾者類

諂求餘福

諂諛禱恠力析妄福者類

昏迷沉亂

昏酒與迷色恒失紀者類

貪慾剛強

貪非財極慾氣剛強者類

不義

損彼利己者之類

不仁

暴物凌人者類

不忠

姦能不盡心者類

不孝

罔親害教者類是按靈寶混元救苦經元

始天尊曰吾觀冥府罪鬼乃是積劫以來

至于今日在世為人造罪種種不省本源

貪饕疾妬暗損他人安樂自己爭財競氣

好戀酒色損失神氣蕩散元真不孝尊長

不忠君主欺凌卑小舉意慢人造罪千種

天官攝問斗君追覓送下九幽受其痛苦

罪輕者化生六道罪重者永無出期縱復

人身豈獲福祿哉

今為六天魔王五府瘟曹不以尊卑枉致傷
害或老或少或女或男未盡天年徒違人世

本非死限故使冤孤怨恨上衝盤結不散此
之暴卒定可悲哀

按洞淵經云人間北方有酆都山水府大

洞之旁列六官號六天也六大鬼魔王所

主乃太陰天君外六曹也六曹小吏合有

三十六萬皆異狀殊形兇惡醜怪本暴逆

之氣凝結為體周流太虛也若人一念正

真持誦此六官名號常生敬畏者乃感六

天善開魔王保舉削除罪名生死受賴獲

福無窮也若人一念邪慾乃召六天惡開

隨人所犯輕重悉以六症五瘟與報罰也

第一天紂絕陰洞休明總陰洞陰官專管

酆都刑名冤獄生前罪戾今世人虛耗蕩

散資財二天秦殺諒事洞元司重正司靈

官專收攝天下狂橫兇暴遊魂蕩魄今世

人運命塞滯功名官爵退失三天明辰耐

犯武城洞統仙昇靈希宛官專掠世人福

祿賢聖凡人棄世冤鬼先經此洞受事四

天怙昭罪烝洞正真邵靈宛司官專掌瘟

疫死喪災火鬼怪銷磨世人田宅陰抽陽

滅口舌官患五天宗靈七非洞雲樓玉紀
明元宮主眷屬不睦夫婦乖違離背分張
及鯨寡等事六天敢司連宛屢洞崇靈赤
映雲曲官專滅世人已出男女及懷胎孕
主子母俱歿為繼嗣事夫所謂五府者乃
五嶽山府也各立瘟曹案按正一傳云五
府瘟神稟五行不正之氣動出億萬周流
人間噓毒嘯禍東行號魔王西行名外道
南遊稱鬼帥北征呼鬼王中國號瘟神也
泰山府東嶽主者天齊仁聖帝所主管雜
病事劉元達衡山府南嶽主者司天昭聖
帝所主管瘟疫事張元伯華山府西嶽主
者金天順聖帝所管瀉痢事趙公明恒山
府北嶽主者安天元聖帝所主管暴汗寒
瘧事史文業嵩山府中嶽主者中天崇聖
帝行病司四案李公伸狂魁赤眼案鍾士
季掌腫瘍案范仲卿掌酸腐案姚公伯顛
狂五毒案各遣瘟卒遞歲四時變故春月
隨百鳥喧鳴司錄人禱詛夏月詐亡過家
親假骨肉扇禍秋月附五部土公為伏龍

宓禁冬月隱五姓墳墓邀故氣攻食正一
傳云諸部瘟曹收留社廟陰鬼甲馬常萬
數徧行九州回喪車部死尸每伺隙人誤
罹之故橫流毒烝殺人老少男女壽不得
盡其天年徒賴死違人世皆被三官右府
籍之不得更生遂致蕩蕩無依結聚孤憤
衆多怨氣蔚翳不散元始同衆聖羣真一
觀斯惡豈不悲哀羣生命遭劫運乎北帝
經曰劫末之時三天正炁漸消六洞故炁
頓長致使人鬼不分邪正無別幽囚之炁
於是而出自一而生從北而起以一生二
憐怛之氣相仍二以至三邪魁之氣纏惑
而復化四妖淫之氣浸淫妄流入人經絡
攻心伐腎損肺枯肝脾胃黃雲不凝元陽
黑白相背是以六天邪魔乘勢來侵八部
瘟曹怒橫流毒唯修善之人形同劫界命
不墮於凶釁亡夫

太上說玄天大聖真武本傳神呪妙經卷之五

太上說玄天大聖真武本傳神呪妙經卷之六

妙行真人上白
鄒人方田子佩昇玄內教錄陳俗集疏

元始衆真矜彼衆生何緣度之

妙行白紫微矜彼方事時元始前衆真以

何神用釋之

天尊乃叩齒一通流光萬里北方命召太玄

將軍剪戮衆妖救度羣品

大帝證答以元始天尊垂憫萬類生死劫

會未分之際當擬剪戮衆妖救度羣品者

急故叩齒一通也謂道發一炁而生萬物

也流光萬里者謂天光救發安鎮威用也

北方事北極紫微令遵行保制劫運之命

也唯召太玄將軍上朝玉清聽元始告命

而誅戮妖氛故運一而果全其萬彙也

真人曰不審此將而以何緣位鎮北方威降

下鬼掃蕩妖氛

妙行未全審此又問太玄將軍果能威討

下方妖魔乎

大帝曰此神未開造化先稟神靈易號假名